

KONPÒWTASYON POU PWANGAD



**Lavalas /
dlo monté**

Pwan nouèl a tan-la kouté la météwo ay gadé sa ka pasé asi entèwnèt <https://meteo.gp>
Pwan pokosyon poubon si ou ka fè ispo danjéré oben si ou ka pòté mannèw déwò otila ou
adèkouvè asi latè, adan montangn, koté rivyè oben an lanmè, oben si fò-w travèsè chimen
a dlo oben koulé
Pa ay obò rivyè é anba bwa
Mété biten a-w anlè siyanka dlo monté
Chapé ko a-w siyanka dlo monté oséryé
Si loraj ka woulé : pa mangné téléfòn ni aparèy ka maché avè èlèktrisité. Pa ay kaché anba
pyébwa, toupéré pilòn oben poto èlèktrik



**Lanm /
lanmè monté**

Ay gadé sa ka pasé asi entèwnèt <https://meteo.gp>
Pa ay obòdlanmè é asi plaj
Pa ay fè aktivité an lanmè
Maré kannòt a-w byen kon i fo



Razmaré

Kouté pwangad a lézorité
Pa nòz ay chèché timoun lékòl, yo an sékirité
Pa woulé obòdlanmè oben pa garé loto obòdlanmè
Monté anlè on mòn é sòti owa lanmè
Atann alèwt-la bout pou rèsann (sa posib apwé ou atann on jé lè)



**Brennman a sòl-la /
déboulman**

Mandé lakomin èspliké-w otila tini abri séryé
Chapé kò a-w kitè kaz a-w si-y andanjé
Pa pasé adan on chimen ki ja ranpli débri.
Pwan pyé a kouri a-w pou sòti koté déboulman



Siklòn

Pwèparé kaz a-w é mété tousa ou ka posédé an sékirité lontan avan mové sèzon rivé
Mété bèt a-w alabri
Maré kannòt a-w dé fwa pli solid
Mandé lakomin èspliké-w otila tini abri pou siyanka
Pwèparé paktaj a modèhèp a-w pou on bon enpé jou
Kouté pwangad a lézorité
Pwan nouèl a tan-la kouté la météwo toulongalé <https://meteo.gp>



Aksidan adan lendistri

Chapé kò a-w sòti la, pwan toujis déotwa biten
Adan pyès fémé é étanch, arété vantilaté é koupé klimatizé
Pa nòz itilizé flann ki pa pwotèjé kontèl ta briki, zalimèt é kisisi é kisasa
Siyanka ou ka santi on mové lodè oben on lodè ki ka piké né, kouvè bouch a-w avè on twèl
épé é mougne
Gadé vwè sit otila tini abri disponib an komin a-w
Siyanka ou ni jennman fò ay vwè dòktè



**Aksidan transpò a
pwodui danjéré**

Pa bòdè la aksidan-la fèt la
Si ou pé pa fè otrèman, mété kò a-w alabri adan on batiman fémé toupéré-toupéré, asèlfen ou
baré van a danjé-la
Fémé founèt, fémé pòt, koupé aérasyon
Arété vantilaté



**Dlo ka monté adan
rivyé**

Fò toujou voyé zyé pa asi anho adan rivyè-la, tansyon a kouran-la, koulé a dlo-la
Pa janmen travèsè rivyè-la si dlo ka monté
Sòti obò rivyè-la é monté anlè mòn
Atann dlo-la bèsé pou travèsè rivyè-la
Jwenn lèsoukou é fanmi a-w pou fè sav ola ou yé
Siyanka ou blésé, hélé lèsoukou (18, 15, 112)



Vòlkan ka pété

Garé kò a-w adan on batiman fémé
Fémé é kondanné pòt, founèt é gwovolé
Rèspiré avè on mas oben on twèl mougne, siwvwè tini twòp gaz oben twòp sann adan lèw
Siyanka fò chapé, pwan toujis déotwa biten (paktaj a modèhèp)



Tranblannté

Kité batiman krazé
Rété lwen a tousa ki pé dégrenngolé
Itilizé yenki lèskalyé

Rèspèkté pwangad a lézorité yo ka bay adan radyo, asi télévizyon, asi
lèrèzososyo é sit a Léta www.guadeloupe.gouv.fr.
Rété alabri joutan lézorité ké déklaré alèwt-la bout.
Vansé koté lanméri pou konnèt list a abri séryé.

LIMÉWO OU BIZWEN

Pou konpozé omodèhèp :

Léponpyé : **18**

Samu : **15**

Pou sovè moun anlanmè : **196**

Lajandamri oben Lapolis nasyonnal : **17**

Moun soud é moun ki ka tann mal : **114**

Onsèl liméwo pou hélé omodèhèp

adan tout **Léwòp : 112**

Liméwo pou ajouté :

Lanméri : _____

Asirans : _____

Lafanmi, lézanmi : _____

Dòt : _____

AN KA PWAN FÈTÈKÒZ

► Ay pwan fòwmasyon pou apwann jès ka
sovè moun, owa léponpyé oben owa on
asosiyasyon agrèyé a sékirité sivil kontèl
(ADPC971, ADRASEC, CNRBT, CROIX BLANCHE,
CROIX ROUGE, DAPS, UNASS, SIANKA,
Comité Départemental de Sauvetage et de
Secourisme de la Guadeloupe CDSSG 971,
Les Amis de la Natation)

► Rantré adan léponpyé volontè et vin pòté
on ganm pou menné aksyon a sèkouris :
Vansé koté kazenn ki pli pré kaz a-w

► Rantré adan rézèv a lakomin pou sékirité
sivil asèlfen ou bay on pal pou soutyenn
é asisté popilasyon-la.

► Enskri-w asi platfòm piblik a travay pou
ayen : www.jeveuxaider.gouv.fr

**Pwan pa, toupéré
koté kaz a-w,
adanpòté mannèw
ki ka fèt, pou moun
entérésé yo a jouné
nasyonnal a fòs é
kouraj an mitan
mwa ôktòb.**

ÈS ZÒT PARÉ ? WI NOU PARÉ !

Larèl a chak moun pou Garé Kò a yo

Nou tout ja paré pou fasadé avè danjé

**Pwotèjé kò a-w
É pwotèjé lafanmi é lézanmi
Adan on batzyé**



**Siklòn,
Gwo van,
Dlo monté,
Pwoblèm adan lendistri,
Razmaré, ékisisi ékisasa.**

Katastwòf natirèl oben Katastwòf tèknolojik ka mennasé tout popilasyon-la é yo pé malmenné nou chak.

Davwa fò fasadé avè gran danjé, Pwéparé moun okonba, sé on rèskonsabilité pou mèt an men a lépouvwa piblik é an men a chak sitwayen.

Tilivré-lasa ké rédé-w rèkonnet danjé alantou a-w, i ké rédé-w pou òwgannizé-w san bizwen pèsonn, pannan péryòd difisil-lasa, i ké rédé-w pwotéjé kò a-w pwotéjé lafanmi é lézanmi adan on konba-mélé.

Jilyen MARION

Dirèktè jénéral a sékirite sivil é dékatman pou réglé gwo pwoblèm

**SI OU SÉ ON SITWAYEN,
FÒ-W PÒTÉ MANNÈV.
VOU OSI, FÒ-W PARÉ !**



1. AN KA CHÈCHÉ RANSÈYMAN asi danjé ki alantou an mwen

Pou ba-w lézenfòmasyon séryé, é ki pé sèvi, parapòt a danjé ki pwézan adan laliwondaj a-w, tini on pakèt ransèyman ofisyèl :

- ▶ Asi entèwnèt: www.georisques.gouv.fr épi <https://www.meteo.gp>
- ▶ Owa lanméri a-w : Plan a lakomin pou pwangad (PCS)
- ▶ Lésit é lérézososyo a sèvis a Léta, www.guadeloupe.gouv.fr

Mété anba sa ki pé rivé é ki konpòwtasyon pou ni, silon lis-la ki ka parèt dèyè do a fèy-la :

Sa ki pé rivé :

Konpòwtasyon pou ni :

Sa ki pé rivé :

Konpòwtasyon pou ni :

Sa ki pé rivé :

Konpòwtasyon pou ni :

Sa ki pé rivé :

Konpòwtasyon pou ni :


Siyanka fò chapé kò, mi on bik otila fò ay fè tipilo :

2. AN KA PWÉPARÉ MWEN pou fasadé avè danjé

Fò pwéparé sa yo ka kriyé on paktaj omodèhèp avè sa ki fo pou-w viv pannan plizyè jou. I ké pèwmèt vou okipé dè-w tousèl-tousèl a-w siyanka fò chapé kò a-w, oben si fò-w garé kò a-w akaz a-w.

Mi on lis a biten é zéfè pòtalan pou mèt adan paktaj omodèhèp-lasa, fò i toujou rèté a pòtè-dmen.

Pwéparé sa onfwa-onfwa é gadé toulongalé sa ki ni adan.



Ranjé paktaj omodèhèp-la on koté ou pé rivé pwan-y fasilman, épi montré fanmi a-w otila ou ka mèté-y :



3. AN KA PÒTÉ MANNÈV Siyanka tini on alèwt

Pannan tini gwo pwoblèm, **an ka véyévwè jan sityasyon-la ka pwogrésé.**

Sé vijilans météo-la

An ka véyévwè jan sé vijilans météo-la ka pwogrésé : <https://meteo.gp>

An sityasyon zoranj oben wouj (sé alèwt douvan épi alèwt), Ou ké touvé konsèy pwéparé gras a pouvwa piblik Asi kat-la é adan bilten a vijilans. Yo senp kon bonjou, yo ka konvini pou chak pwoblèm é ou pé adòpté yo fasilman.

Alèwt pou lapopilasyon


Siyanka tini danjé pou vi a moun, lézotorité pé mèt anbranl :

▶ **FR Alert** ki ka voyé on mèsaj pou alèwté moun avè pwangad kifo dirèktèman asi téléfòn pòwtab pa bizwen fè enskripsyon, pa bizwen téléchawjé pou rèsèvwa mèsaj-la pou alèwt.



▶ Sé sirèn-la ka fè on son sonné twa fwa Pannan 1 minit é 41 sègond.

A moman-lasa :



▶ Lérézososyo a sèvis a Léta ké voyé sé alèwt-la é sé pwangad-la. Lémèdyà ké sèvi pòtpawòl a Lézotorité pou kominiké avè lapopilasyon.

Rèspèté sé pwangad ofisyèl-la, konsa ou ké pwotéjé sékirite a-w é ou ké ba lésèvis anmwé-soukou on pal !

Pwan nòt asi èstasyon - radyo ki toupré kaz a-w :

	FM
	FM
	FM